

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025

Nd.5 Ng.7

Liggaeuq ietceih nienz ndwenseiq cocib Geizsoq: Gungh daih 3667 geiz

Siz Ginbingz Hoiz Saenq Hawj Duiyenz Doihfugsah Bouxgagnyienh Baihsae Dajveh Coenghson Soujbien Seyihdwz Siujyoz

Sinhvaze Baeking 5 nyied 3 hauh dien
Youq mwh ciet bouxcoz hajseiq daeuj daengz gaxgonq, Cunghgung Cunghyangh cungsuhi, Guekgya cujsiz, Cunghyangh Ginhvej cujsiz Siz Ginbingz hoiz saenq hawj daengxcungq duiyenz doihfugsah bouxgagnyienh baihsae dajveh coenghson soujbien Sinhgyangh Gwzswhlwzsuhgoh-wjgwzsw Swcicouh Ahduzsiz Si Hahlacin Yangh Seyihdwz Siujyoz, cukhoh daengx guek gyoengq bouxcoz ngoenzciet angqyangz caemhcai gangj ok gij maqmuengh caensim.

Siz Ginbingz youq ndaw saenq naeuz, gyoengqsou hoizwnq dangj iuheuh bae daengz dieg bien'gyaiq baihsae sonsaw ganq vunz, doiq coihaeuj

dangdieg gyauyuz saehnieb doxbae, coihaeuj minzcuz doxgiet baenaj, coihaeuj hwng bien fouq minz caeuq onj bien maenh bien mizyungn guenyungn, bonjfaenh hix ndaej lienh caeuq majhung.

Siz Ginbingz daegbied gangj daengz, doengh gij bi neix, yied daeuj yied lai bouxcoz senjleh daengz baihsae, daengz lajmbanj, daengz gihcwnqz gagnyienh fugsah, gamsim guh ok goengrenqz, langhbaij gij yienghsiengq cingsaenz gaenx guh doxhwnj bouxcoz Cungguk seizdaih moq caeuq gij dangrap guek ak miz gou. Maqmuengh gyoengq bouxcoz dingmaenh lijsieng saenqniemh, lai ung gij cingz gya guek, lienh ndaej bonjsaeh akgeng,

fatyengz cingsaenz buekguh, daengz dieg guekcoj caeuq bouxminz ceiq aeuyungn bae guh, ok rengz bouxcoz hawj hwnqguh yendaiva yiengn Cungguk.

Seyihdwz Siujyoz dwg aen siujyoz cunhgiz liz bien'gyaiq 47 goengleix, cujyau dwg hagseng Goh-wjgwzswcuz gapbaenz ndeu, 2022 nienz 8 nyied baenz aen hagdangz sawqdiemj Gwzcouh aen nduj baihsae dajveh bouxgagnyienh coenghson bau hagdangz. Mboengqneix, duiyenz doihfugsah bouxgagnyienh baihsae dajveh coenghson soujbien Seyihdwz Siujyoz raiz saenq hawj Siz cungsuhi, bauqlwnh soujbien coenghson guh ndaej baenzlawz yiengn caeuq miz maz ngeixnaemj, gangjnaeuz yaek laemxsim caprag baihsae fugsah bien'gyaiq.

Gvangjsih 58 Boux Ndae Aen Cwngheuh Daengx Guek Lauzdung Mozfan, Bouxguh Hong Senhcin

4 nyied 28 hauh, Aen Hoih Angqhoh Cunghvaz Daengx Guek Cungigunghvei Laebbaenz 100 Hopbi Nem Byaujcangh Daengx Guek Lauzdung Mozfan Caeuq Bouxguh Hong Senhcin youq Baeking banh. Baez hoih neix, Gvangjsih gungh miz 58 boux ndaej mingzdaeuz, ndawde daengx guek lauздung mozfan 39 boux, daengx guek bouxguh Hong senhcin 19 boux.

Bineix dwg bi byaujcangh daengx guek lauздung mozfan caeuq bouxguh Hong senhcin 5 bi baez, dwg guek raeuz baez daih 17 bingzsenj byaujcangh daengx guek lauздung mozfan caeuq bouxguh Hong senhcin. Swcigh Dangvej, Cwngfuj yawjnaek hong bingzsenj doigawj daengx guek lauздung mozfan caeuq bouxguh Hong senhcin, ciuq bouhloh, dawzmaenh

goenghai, goengbingz, goengcingq, hawj daihgya rox, ciepsouh ndawbiengz gamduk, gingvaz baenz caengz baenz caengz senjleh, Gvangjsih gungh miz 58 boux ndaej aen cwngheuh daengx guek lauздung mozfan, bouxguh Hong senhcin.

Gvangjsih 58 boux ndaej byaujcangh miz vunz gihgvanh swyez danhvei, vunz giyez, vunz itsienq caeuq ciennieb gisuz, bouxguh Hong doengh gij vunz neix. Gyoengqde mboujdan dwg boux maenhndei daiyauj gak hangz gak nieb, engq dwg bouxvunz senhcin 5 bi gvaqbae Gvangjsih ginghci sevei hwngfat miz okdaeuz de. Doengh gij bouxguh Hong neix coengh aenbiengz doxbae ok goengrenqz hung, langhbaij gij yienghndei caeuq dangrap bouxguh Hong seizdaih moq. (Goz Yengingz)



Yungzsuij: Ngoenzgyaj Langhbaij Ndangdaenj Minzcuz Gvaq Ciet

5 nyied 1 hauh, Yungzsuij Myauzcuz Swciyen guh langhbaij ndangdaenj minzcuz doxdax, beixnuengx Myauzcuz dawz gaiq ngaenz, daenj buhvaq Myauzcuz, boq venz langhbaij buhvaq minzcuz, aeu gij minzcuz vwnzva lai yiengn hawj bouxhek yawj, hawj gyoengqde angq gvaq ciet. Ndaw doz dwg beixnuengx Myauzcuz cingq langhbaij ndangdaenj. (Lungz Linzci ingi)

Cungguk Yeznanz Gwih Danci Hozdung Banh Baenz

5 nyied 1 hauh, Cungguk Dunghhingh Si—Yeznanz Mangz-gaih Si gapguh doihndei hawsingz cib hopbi nem 2025 gaiq nduj Cungguk Yeznanz gwih danci hozdung youq Dunghhingh Si banh. 240 lai boux danci yindungyenz caeuq boux gyaenz gwih danci doxcaez yiengjsouh gij yinxdaeuz hamj guek gwih danci, angjhai dujva cingzngieih Cungguk Yeznanz.

Riengz sing bauq roengzlingh

yiengj, gyoengq boux gwih danci daj Dunghhingh Si Cuzsanh Sanhhaij Dohliz Deihbiu Gvangjangz haidin, daengx raez daihgaiq 24 goengleix, dieg doekbyai dwg Yeznanz Mangzgaih Si Cazguj Gvangjangz. Henz roen miz gyaiq dah gyaendei, aenmbanj caemdingh huzndei, hawsingz hoenghhdwd. Gyoengq boux gwih danci mboujdan ndaej roxyinh gij hei q ndwenngoenz andingh huzndei bien'gyaiq Cung-

guk Yeznanz, youh ndaej roxyinh gij yienghsiengq cingsaenz song dieg doxgiet haengguh baenaj. Cungguk Dunghhingh Si caeuq Yeznanz Mangzgaih Si dan gek diuz dah ndeu, deih doxyawj, vunz doxndiep, dwg dieg baihnaj doxyau doxndei, bouxminz song guek "caez gwn dah raemx ndeu, caez ganj aen haw ndeu". 2025 nienz dwg Cungguk Yeznanz laebgyau 75 hopbi nem "bi Cungguk Yeznanz yinzvwnz doxyau", hix dwg

Cungguk Dunghhingh Si—Yeznanz Mangzgaih Si gapguh doihndei hawsingz cib hopbi. Song dieg roengzsim comz guh gaiq saeh "bi Cungguk Yeznanz yinzvwnz doxyau", lai hawj song guek song dieg doxyau caeuq gapguh vwnzdij, hawj bouxminz sim doxdoeng, bangrenqz cauhaeb aen minghyinh doxcaemh Cungguk Yeznanz miz canloz yi yi.

(Yen Cangzginh Youz Hinghvaz)